

HONDAKINEN BILKETA SISTEMA ERABAKITZEKO PARTAIDETZA PROZESUA

2015-02-05. 1.SAIOAREN AKTA

BILERAREN XEHETASUNAK:

- Bilera zenbakia: 1
- Data: 2015-02-05
- Lekua: Udaleko Areto Nagusia, Deba
- Hasiera ordua: 16:00
- Amaiera ordua: 17:30



DINAMIZAZIOA:

- Parte hartzaile kopurua: 8 herritar
- Mainer Zubikarai alkatea eta Jose Fran Muniozguren Agirrebeña Debabarrenako mankomunitateko gerentea
- Dinamizatzaileak: Ekhi Zubiria eta Maitane Barrenetxea.



1. ONGI ETORRIA ETA AURKEZPENA

Debako alkatea den Mainer Zubikaraik hartu du hitza, bertaratutako herritarrei ongietorria eman eta abiatzen den prozesu honen arrazoiak aurkeztu eta azaltzeko.

Hondakinen gaia azken urteetan Gipuzkoan asko lantzen ari den gaia dugu. Debako Udalak hondakinen egoera landu eta hondakinen bilketa sistema hobetzeko helburuarekin herritarren partaidetza prozesu bat jarri du martxan, herri galdeketa batekin amaituko dena. Erabaki hau sortu den Hondakinen Batzordean ari da diseinatzen eta antolatzen. Batzordea Udalean ordezkaturiko alderdi politiko guztiek osatzen dugu, eta Aztiker Aholkularitza lanak egiten dabil bai batzordean eta baita herritarren prozesuan ere.

2. PROZESUAREN KOKAPENA

Aurkezpenaren ondoren, prozesu honen antolaketa eta dinamizazio lanean arituko den Aztiker ikergune sozialeko Maitane Barrenetxeak hartu du hitza.

Prozesu honek dituen helburuak honakoak direla azaldu du:

- Gaur egun DEBAko **hondakinen egoera** eta bilketa sistema **ezagutu eta eztabaidatu**
- Bilketa sistema eta **aukera desberdinak ezagutu eta aztertu**
- Bilketa sistema berriak izan behar dituen **ezaugarriak proposatu**
- DEBARako hondakinen **bilketa sistema erabaki**
- Hondakinen **sailkatzea hobetzea**.
- Herritarrok **hondakinen inguruko kontzientzia** hartu

Hondakinen Batzordearen baitan, herri galdeketara eramango den/diren galderak baldintza hauek beteko dituztela adierazi du:

- %60ko gaikako bilketa-tasa bermatzen duten aukerak izango dira.

Horrez gain, Debako Hondakinen Batzordea bera izango da herritarrekin egindako prozesu honen ondorio eta eduki nagusiak bildu eta Herri Galdeketarako galdera formulatuko duena.

Gaurko saioak helburu hauek dituela azaldu du:

- Prozesuaren aurkezpena egitea
- Gaur egungo Debako hondakinen egoeraren aurkezpena egitea
- Partaideek egungo egoeraren azterketa egitea
- Hondakinen egoera hobetzeko gakoak identifikatzea

3. HONDAKINEN EGOERAREN AURKEZPENA

Jarraian, Debabarrenako mankomunitateko kide den Jose Francisco Muniozguren Agirrebeñak hartu du hitza eta Debako hondakinen egungo egoeraren berri eman du.

Lehenik, Debako biztanleriaren datuak eman ditu eta hondakinen bilketa zenbat frakziotan egiten den azaldu du. Kasu honetan, lau frakzio nagusietan burutzen delarik; papera eta kartoia, ontzi arinak, beira eta nahasia. Pilak, arropa eta olio biltzeko sistemak baldin badaude ere.

Gero, 2013 eta 2014 urteetako Debako sailkatze tasak alderatu ditu eta bereizi gabeko hondakinen osakeraren berri eman du.

Konposta eta hondakinen tratamenduaren inguruan hitz egin ondoren, egungo sistemak sortzen dituen kostuei eta tasei erreferentzia eginez amaitu du.



4. GALDERAK ETA ERANTZUNAK

10 minutuko tarte zabaldu da aurkezpenean azaldutakoaren ingurukoari buruzko galderak egiteko.

5. HONDAKINEN EGOERAREN AZTERKETA

Azalpenak burutu ondoren, talde txikietan banatu gara. Hiru talde osatu dira, gaur egun Deban duten sistemaren atal ezberdinen indarguneak, ahulguneak eta hobetu beharrekoak identifikatzeko.

Deban hondakinen egoeraren azterketa egiteko landu diren atalak hauek dira: gaur egun, Deban sortzen ditugun hondakinak, gaur egun Deban sailkatzen dugun hondakina, tratamendua, sistemaren funtzionamendua, gastuak.

Hona hemen talde bakoitzak sortutako edukia:



1.taldea	INDARGUNEAK	AHULGUNEAK	HOBETU BEHARREKOAK
SORTZEN DUGUNA		<ul style="list-style-type: none"> • Erosten duguna dena plastikoz josita etortzen da • Berrerabilpena oztopatzen da komertzioetan, sanidade-higienearen izenean 	<ul style="list-style-type: none"> • Udan askoz gehiago sortu, nola aurre egin? • Arrainarekin lan asko egiten dutenen kasua aztertzearen beharra
SAILKATZEN DUGUNA	<ul style="list-style-type: none"> • Botila, plastikoa, kartoia oso erraz, nahi dugunean 	<ul style="list-style-type: none"> • Plastikoa eta paperan kontenedorean aho txikia, zaila da sartzea • Pilak jasotzekoa ez dago edo apurtuta • Organikoarentzat aukera gutxi • Kontzientziazio falta 	<ul style="list-style-type: none"> • Egurrezko kaxak (frutarenak) biltzeko egun gehiago edo errazago • Espazio falta sailkatzeko • Hondakin berezi txikia nora eramana gertuago: bonbilak...
TRATAMENDUA			<ul style="list-style-type: none"> • Autokonposta da merkeena, hori bultzatu behar da
FUNTZIONAMENDUA (Gertutasuna, ordu-tegiak, garbitasuna...)	<ul style="list-style-type: none"> • Oso eroso da 	<ul style="list-style-type: none"> • Udan gainezka egiten dute kontenedoreek • Kaxkoan daudenak asko mugitu behar dute 	
GASTUAK			
BESTELAKORIK			



6. HONDAKIN SISTEMA HOBETZEKO GAKOEN IDENTIFIKAZIOA

Talde txikietan banatuta jarraituz, partaideek galdera honi erantzun diote:

Zure ustetan ze irizpide/helburu bete behar ditu Debako hondakinen bilketa sistemak?

Parentesi artean agertzen diren zenbakiak esaldi bakoitza errepikatua izan den kopuruari egiten diote aipamena.

- Ahal den gehien birziklatzea
- Herritarrak kontzientziatzea
- Kontuan hartu beharko luke bolumena: kontenedoreen aho handiagoa adibidez
- Kontuan hartu udako egoera

7. PLENARIOA

Talde guztiak berriro elkartu ondoren, dinamizatzaileek, taldeetan irten diren ideia nagusien laburpena egin dute.

8. ITXIERA ETA HURRENGO URRATSAK

Dinamizatzaileak lan saioaren errepasso azkarra burutu ondoren, hurrengo hitzordurako zita gogoarazi die partaideei:

Datorren otsailaren 18an arratsaldeko 19:00etan Agirre Jauregian mahai ingurua egingo da hondakin bilketa sistema desberdinak ezagutzeko.